

本草綱目拾遺

錦章圖書局
印行

本草綱目拾遺卷九上

器用部

番打馬

形長尺許內藏油膏外裹棧皮可代火把又可鞭馬番舶上來哈喇叭出○方輿勝覽做打麻

乃樹脂結成夜點有光塗舟水不能入華夷考曰做打麻乃樹脂流落膠汁土內掘出如松香瀝青狀

內有明淨好者都似金珀一般出滿刺加國性專殺蟲不可服有毒入外科瘡瘍膏用治陰癰救

生苦海用番打馬和鉛水銀雄硫樟腦各等分豬油和搽效○癩疥膿瘡積善堂良方麻黃膏中用之

○疥瘡救生苦海番打馬三錢楓子肉五錢水銀杏仁蛇牀子各一錢川椒樟腦雄黃各二錢用紅燭

蓋油共研勻擦之神效○治疥瘡應驗良方用全蠟乳香枯礬大楓子蛇牀子土木鼈川椒雄黃水銀

番打馬輕粉樟腦爲末用燭油爲丸擦之卽效此方番打馬作番答木擦諸瘡并楊梅風毒經驗

濟世良方黃蘗去皮一錢黃連去蘆一錢川大黃五分三味另研雄黃膽礬青兒茶青黛輕粉枯

礬各二分冰片一分半另研入大楓子七個去殼去油人言壯人七釐弱者五釐用番打馬卽番舶

打火把之物另爲末瘡毒盛而人壯健能食者每分五分毒盛而人弱者每分用三分不健不弱之

人每分用四分和入前藥內研勻水銀壯健人每分用一兩中等人用五錢弱極人用三錢不可多

藥須研極細否則粒粗恐傷皮肉右先將水銀一分并前藥末一分入盞內加眞脂麻油少許以指

研開逐漸添油研至不見水銀爲度大約如稀糊可矣於兩手兩足掌後動脈處週圍擦之每一分

藥擦三日每日早晚各擦一次每次以七八百擦爲止大率擦使熱透則住擦時凡週身破傷處俱

用無麝香膏藥貼之每日一換不可經風避帳慢內冬月用煖牀厚被褥卽春夏秋暖時亦不可見

風擦至七日必口吐臭涎若口齒被爛出血者用黃蜂窩煎湯候冷漱解勿嚥下輕則用花椒湯漱

之擦處多皮破不可畏痛而少擦忌魚腥生冷發風等物及醋茶醬一個月尤忌房事其牛肉燒酒

團魚之類忌二三年若蕎麥麪與羊肉則終身忌之每次擦畢以藍布尺許包裹所擦處此治楊梅

風毒法也如楊梅瘡初發者擦五六日全愈所用藥皆同惟水銀止用四五錢足矣不必貼膏藥○

久遠膿瘡應擦處如有破爛可於腳手心擦之其藥料照中等者亦包布貼膏如前○下疳及蛙幹

重者亦照中等藥擦治貼膏○喉內瘡癰潰爛不能進飲食者亦照前用中等藥擦○遍身牛皮風

癰作癢作痛出水者亦照前用中等藥擦凡擦藥仍須內服煎藥兼之煎藥方防風荊芥銀花

防己白芷連翹苡仁白鮮皮桔梗川芎當歸赤芍生地黃連黃蘗知母牛膝木通陳皮羌活獨活粉

草梔子各等分加土茯苓乾者四兩鮮者八兩水六盞煎至三盞分三次一日早午晚服完自擦起

之日服至七日發口止虛人加人參二三錢痔漏消管藥線妙靈方用藥先用燈心試其深淺

頂至極痛處爲率以藥條如式送入漏口三日後又試內根漸漸生肉條漸漸短用藥直至滿而止

玉簪花根白者佳焙乾四兩番打馬焙乾三兩馬兜鈴炒乾二兩慈石三錢煨紅醋淬三次共研極細末以麪打條或粗或細候瘡管用之通始化去始再插 廣瘡 仙遺拾珠用膽礬三錢阜礬石黃青黛各二錢番打馬二錢硃砂五分爲末豬脂一塊搗勻夏布包擦手足心候腹鳴卽止病自愈 膿窠瘡 慈航活人書斑蝥三個麻黃二錢番打馬三錢樟冰五錢臘豬油二兩先熬化次入斑蝥煎焦撈起再入麻黃煎焦撈起再加番打馬末同樟冰調勻搗破瘡頭以藥點上立時結痂次日全愈

老材香 山陝等省無漆民間棺殮俱用松香黃蠟塗於棺內數十年後有遷葬者棺朽另易新棺其朽棺內之香蠟名曰老材香土人用合金瘡藥按脂蠟乃先天流液之精又得土以固其力藉血肉餘氣以凝其神是一物合三才之用故入藥功效倍於他草木也○藥性考北地古棺中松脂合金瘡藥止血極效 治跌打損骨止血瘡血出生肌定疼神效盧氏仙方金瘡鐵扇散中用之 縛木藤 綱目藤部有省藤卽紅藤集解云堪縛物主治止血去風殺蟲無腦漏治法 治腦漏 急救方用縛木紅皮藤燒存性爲末每用酒服三錢服後覺有一線從鼻至脊背而下股其腦漏隨愈 一人一年服一次效 腸癰 經驗廣集凡腸癰生於小肚角微腫而小腹隱痛不止皮色不變是

也紅藤一兩許好酒二盞飲醉臥午後用紫花地丁一兩許亦以好酒煎服後痛必漸止再服 敗琉璃浮子 係羊角所造有五色惟白者入藥佛前十餘年者良去淨油垢新瓦煨研 退管漏湯火傷乳痛 急救方用琉璃片燒灰存性食後酒服一錢卽消 救生苦海退一切管秘方手指甲

炙黃研細象牙剉末研細山甲炙黃研細乳香沒藥俱炙硃砂水飛舊琉璃燈底佛前白者用三十年者佳如若難得十餘年者亦可用打碎麩炒爲極細末各三錢合勻再研用黃蠟四兩化和爲丸如椒大初服五粒次服六粒每日加服一粒加至十四粒止共服十日計服九十五粒至十一日每日減一粒至五粒仍舊逐日加上一粒加至十四粒又逐日遞減一粒如此遇而復始或服至十四粒每從五粒服起更妙每日空心陳酒送下管漸褪出程盡爲度如若未盡再從頭服起神效秘之 秘之 內消痞管秘方 陳直夫躬行錄載此方治痔管如神有一小兒從高墜下傷背脊骨月餘後生毒潰爛成漏蛔蟲從漏孔中出經云外癰透膜者生內癰透膜者死此症已屬不治直夫用此藥一料而愈亦奇方也凡諸般漏管皆可服不獨痔管耳琥珀燈心研末象牙屑焙血餘須自製蠟皮陰陽瓦合好泥封煨存性雨前芽茶舊琉璃底翦碎製法同蠟皮蟬蛻炒人指甲不拘手足俱可用瓦上焙脆爲末穿山甲炒脆當歸白茯苓豬懸蹄甲殼夾翦翦碎製同蠟皮蟬蛻瓦炙牛皮膠酒煮化和藥如不足加煉白蜜以上之藥各三兩小蜂房十個製同蠟皮火候更宜輕勿煨成灰蛇蛻十條翦碎瓦上炙煨自作汁將凝卽覆存性否則過性矣爲末同阿膠和搗然丸每日早午晚服三

錢滾水送下一料自愈已驗過數十人 痔潰成管 愈晚園鈔方蛇龜活者一個泥裏擇朝南

牆下背陰處煨烟盡爲度去泥用多年白琉璃底一具琥珀象牙各三錢珍珠西黃冰片各五分為

末摻之此藥亦可服每服九分 肺癰 傳信方陳年琉璃煨灰存性陳年油紫漆匠店有煉成和

勻酒服試驗神效 尿血 救生苦海用舊琉璃燈洗淨剪碎入磁罐內泥封火煨以紅爲度待冷

取出酒下三錢 輕粉結毒 救生苦海用舊琉璃燈燒存性研每服二錢毒在上者川芎湯下毒

在下者牛膝湯下輕者十日重者一月全愈。濟世方用佛前照過舊琉璃燒存性酒調下日一二

次一月全愈 凡人火燒 取廟中琉璃浮子松樹厚皮做的燒灰放地土上用盤覆蓋灰上存性

研末用紅糖真香油調傳 臘利瘡 百藥備遺用陳年佛前琉璃只取底用瓦上煨存性爲末真

麻油和搽 喉癰 選奇方用陳年琉璃煨爲末一錢加薄荷末白蓬砂各五分冰片少許和勻吹

入立愈 敗毒散 不問新久腫毒癰疽發背疔瘡皆治家寶方琉璃陳年破損者一個棟樹子四

兩舊髮網巾一頂鳳凰衣四十九個三七一錢敗龜板炙五個共爲末每服五分棟樹子湯下 男

女臙瘡 家寶方先用白蘿蔔打爛貼瘡口上一日一換三日毒血去盡再用後藥松香一兩杏仁

三十粒去皮尖油黃丹八錢輕粉五錢舊琉璃燈三錢火焙爲末研細麻油調搽一日一換數次即

愈 癰痛 雲谷醫鈔多年佛前舊琉璃煨存性麻油調搽癰痛即消 散結核 石臨初結核論

凡馬刀瘰癧一切結核用破舊琉璃煨存性爲末每服二錢取微汗此物乃羊角製成能癰節中結

氣佐以養血和榮清熱解毒之品標本並治乃佳。散結湯熱地當歸白芍川芎丹參丹皮柴胡桔

梗元參白藜各等分水煎沖琉璃末同服 頸上癰瘡 舊琉璃燈燒灰菜油調搽神效長明酒

種福堂方治痔漏神效用積年舊琉璃燈洗淨油膩火煨研細以紅酒服四錢不過七日管自退去

瘡遍身漏 醫宗彙編云驗過良方用陳年琉璃底三錢入指甲麝皮炒一錢象牙末一錢辰砂

一錢蟬蛻去土五分沒藥去油八分白礬八錢如漏在上身加川芎六分在下身加牛膝六分共爲

細末以黃蠟三兩溶化入前藥和勻單手急丸如菉豆大初服七八丸每日加一丸至十六七丸止

無灰好酒送下上身飽服下身饑服最忌雞及一切有葱之物

油胭脂 藥性考油胭脂平豕膏合就潤膚膏裂活血點痘西北風高塗舒面微不龜手藥古名非謬

○一名盞兒胭脂用小錫盞盛故名色紅潤如膏。百草鏡製造油胭脂法紅花汁一杯白蠟二兩

微火熔化攪勻傾於磁盤內待成薄餅用碾麪杖碾數百遍則膠黏如膏藥矣假者係胭脂腳所造

不入藥治血解毒治痘疔塗蜂咬王氏準繩同珍珠末塗治痘瘡燕窩疔。救生苦海痘初起時預

免癰眼用臨清濟甯好油胭脂點眼大皆。普濟方有四聖丹治小兒痘中疔或紫黑而大或黑癰

而臭或中有黑線此痘十死八九惟牛都御史得秘傳此方點之最妙用豌豆四十九粒燒存性頭

器用部 油胭脂 木套皮 火漆 七厘散 紅糖

髮灰三分珍珠十四粒炒研爲末以油胭脂同杵成膏先以簪挑破啞去惡血以少許點之卽時變紅活也 乳頭破裂 油胭脂蛤粉水飛傳之不用蛤粉亦可 治疹子眼 眼科要覽用雞膽將

油胭脂調勻塗上雖眼突出能好無雞膽用田雞膽代之亦可

木套皮

古爲屐今名木套

治血風瘡

救生苦海用木套皮燒灰東丹礬各一錢爲末菜油和搽

火漆

火漆乃造胭脂紫梗水以染脂胚所濾之渣滓也紫梗本名紫鉞出波斯真臘南番等處有小

蟲如蟻緣樹枝造成正同造白蠟一般吾杭造胭脂者藉以染製然第用紫梗一味則色不能紅必須配以黃葉水同煎色始紅藍其餘之渣則火漆也入藥只須研極細用之中有枝梗不受研者

篩去物理小識火漆一名紫膠

治血崩

救生苦海火漆不拘多少入無油淨鍋內令化炒黃烟

淨見白烟起退火取出研末空心時好酒和服三錢重者不過三服

陽風下血

不藥良方火漆

三錢研細末以豆腐皮分包作三十包白滾水送下至重三服卽愈

九種心痛

神方考用火漆

一味燒灰存性每服一錢送下卽愈

七氣罌餅

此乃人家屋簷脊上用壓鎮不祥者以七小罌橫疊相聚如七星狀外以灰泥黏覆入藥

用年久者王子接絳雪園方罌小口瓶也七氣者日月風雨露霜雪也七罌人家多置古屋上廣漢

前上層生餅年深者良火土結成堅剛性利復藉天之七氣能透骨入髓理傷續絕入藥取純鋼到

生剉末研至無聲水飛用。慈惠編接骨七釐散中用朝天寶卽人家屋上瓦將軍前小瓶也愈久

愈妙必取其朝天之得精華者研末入藥用 接骨丹 絳雪園方七氣罌口剉末水飛一錢古

文錢有半兩五錢自秦漢鑄紅銅者佳唐時開元錢亦可用火煨醋淬七次研至如塵粉無聲爲妙

用五分與罌末和勻每服七釐先用甜瓜子仁去殼三錢嚼爛吐出拌藥再服下清酒過口此方用

七氣罌口古文錢功專腐蝕壞肉陳藏器云能直入損處鐸人斷骨甜瓜子仁開腸胃之壅遏通筋

骨之機關因丹藥釐數微甚助以入胃轉輸爲丹藥之嚮導也

紅錫白礬

紅錫乃毛布今名褐子西人多以牛羊毳雜織而成以茜草染則色紅 治疳瘡 醫便

用紅錫燒灰存性五錢樹上自乾桃子燒灰存性五錢爐甘石火煨黃色童便淬七次二錢五分共

爲細末臨搽入片腦少許其瘡先用椒蔥湯洗淨再搽藥三次卽愈 血崩 醫便六合散治血崩

不止諸藥不效用此立止此急則治其標也杏仁皮燒存性香附童便浸三日炒黑舊紅錫子燒存

性地薦子炒舊櫻薦燒存性壯血餘燒存性蟹殼燒存性陳蓮蓬燒存性共爲末每服三錢用酸漿

草汁一鍾沖上熱酒一鍾空心熱服按此方初服反覺多以漸而少由紫色而紅以至於無卽止既

止之後用十全大補湯二十劑調補方斷根矣 走馬牙疳 祝氏效方黃蜆殼煨存性研末一錢

五分黃連忌鐵器爲末五錢括樓根膽礬礬五穀蟲要昆全者佳瓦上煨存性紅錫燒存性以上各

五錢爲末加冰片二分和勻先以米泔水漱口連吹數次卽愈吹後仍用泔水漱口淨去
 臍溼 救生普海用紅錫燒灰油和傳或用裁衣店中百家碎五色布燒灰摻之 清香散 治癰

燔黃海巴燔乾各等分爲細末擦患處立時止痛生肌如神

抄上
葉蘆
燒焦
齒黃
過火
焦去
刀切
各等
分用
末茶
葉煎
煎湯
以藥
命注
去腥
即見
無血
然每
用此
藥

灰漂以溪水去其舊染薯蕷之色使瑩然雪白布成分爲雙單雙者表裏有大小絮頭單者一面有之絮頭以長者爲貴摩挲久之歲澁然若西瓊起絨更好或染以薯蕷則其絲勁爽可爲夏服不染則柔以禦寒粵人甚貴之亦奇布也 小兒服之可辟邪魅

十五枚甘草三錢煎湯洗後摻之 金瘡集驗方用舊瓊幘油口沿燒灰摻之愈

中裝綿布衣無綿珠秋冬則有以燈草少許置綿上則無珠也入藥用舊衣內綿珠取其襲人氣卽久其新衣透出衣外綿珠無用也 治蠟虎咬香油調塗神驗

五分兒茶一錢血竭一錢乳香一錢爲末乾搗

人縐紵之用古用木棉今用草棉綱目服器部有縐乃絛縐故從絛性平能透斑疹傳信方風疹斑瘡出不透快用白棉紗二兩檉柳一兩共煎湯浴之避風頃刻透發無檉柳以櫻桃核代之亦可煎服 藍棉紗 此乃經靛染者煎湯解毒與藍汁同功

紅絲疔蛇傷紫肉上能令毒氣不透 小兒一切頭瘡 秦中用云燒灰油塗立愈 治難產 經

雁砂 出關東菴豆色如珠顆粒擲盆中有響聲者眞明目 治一切眼病 洪清遠方用明目砂五

肝內以無灰酒二斤蒸熟煎剩一盤空心一服晚飯後一服以盡量爲度羊肝配之一服完不論眼病

內障外障黑暗不明無不神效

烏金紙

皮金紙 江浙造紙處多有兩面黝黑如漆光滑脆薄不中書畫惟市鋪用以裹珍寶及藥物

作襯紙又呼薰金紙以其熏黑搥研而光也

物理小識造金箔隔碎金以藥紙揮巨斧捶之金已

箔而紙無損紙初褐色久則烏金色○魏良宰云烏金紙惟杭省有之其造紙非城東濱佑橋左右

之金成箔而紙不損以市遠方價頗昂值蓋天下惟浙省城人能造此紙故也 治下疳 集聽用

烏金紙銅杓內炒末加冰片少許塗 復明散 陳嘉木眼科要覽專治翳膜遮睛瞽者亦可復明

用七八歲童子口中吐出蛻蟲一條用竹刀剖開清水洗淨將新瓦以炭火焙乾勿焦研極細末烏

金紙包好再用蓬砂四兩將蛻蟲包藏其中一七日取出以骨簪蘸藥點眼一日三次後將骨簪腳

撥去眼中翳膜熱水洗之少頃又點點完此藥無不重明

皮金紙 又名羊皮金出廣東凡金箔店皆有售者呼皮金紙 治跌仆擦傷釘鞋打傷足跟病久蔭

瘡擦痛并凍瘡足跟瘡爛流水凡小擦傷刀傷腫潰紅赤皮光潮溼皆效看患處大小以此翦取將

金面貼傷處過宿即愈毛世洪養生集

舊繖紙 綱目有桐油繖紙止言治蛙蝥陰瘡及疔瘡疔汗而已無他治法今補之 治纏腰丹 急

救方用舊繖紙燒存性爲末香油調傳 對口瘡 祝氏效方淡底白色者佳一兩陳繖紙燒灰五

錢將烏梅肉一兩先打爛入末再加生桐油搗勻傳患處漸愈 發背立效方 周氏家寶千年石

灰研爲細末鐵杓內炒紫色傾出磚上待略冷微有熱氣不可太冷太熱三錢大川芎研細末二錢

和勻入眞麻油五六點用井水或河水調服還身大汗出即散矣若遇惡瘡可加黑繖紙灰三分照

前服 賺瘡 蔡毓晉方用人家蓋牆頭舊繖須多年經霜雪者取繖衣依瘡大小剪成一塊上用

本鍼刺洞貼上三日另換一張每日翻貼貼上三張即愈○集聽方賺瘡以輕粉豬骨髓研勻攤舊

繖紙上貼之 周氏家寶諸瘡隔紙膏賺瘡經驗膏隔紙膏脫身隔紙膏俱用舊繖紙夾藥貼

包烟紙 此乃烟舖內包烟外一層厚白紙係石灰槽浸造灰氣未去紙亦不韌止可包烟用各建紙

近人食烟以其紙擦烟筒頭嘴令銅潔白可擦錫器武原朱進士醒莽言北方朝士多貯此紙每日

清晨盥頰後以之拭面久之能轉黝爲白令光發如玉 拭面去黝野汗斑美容顏發光豔

粗草紙 廐草紙 此乃稻草所造南貨店以之包物有厚薄二種厚者名銅板草紙入藥用 發疹瘡

百草鏡折角草紙半張南貨店包物厚者是也煎服較輕柳尤透發 小兒臍瘡 不藥良方急

用大草紙燒灰傳之則不致變瘋癩或加枯蓉或再加龍骨燒灰等分入麝香少許撒之 腸風下

血 不藥良方粗草紙燒灰砂糖拌勻開水服 貝母團 經驗廣集治羊兒瘋百發百中用川貝

母去心一兩研粉用羅篩過鋪大草紙一百張一層草紙篩一下百張草紙篩百下然後用線縫之入四盃水煮乾每清早取一張紙成團煨過滾湯泡汁飲之服盡全愈神妙無比

廁草紙 此乃坑廁中拭過糞草紙棄於地者同壽錄云傷寒內有一症名咯帶傷寒非用此不能除也覓此紙四十九張燒灰爲末水二盃煎一盃去渣飲之效

酒罈上紙 此乃蓋封酒罈口上紙陳久者佳以其得酒氣多微爛不堅韌又脫去灰性也 治皮膚

燒酒草 此卽燒酒罈頭泥中之草慈航活人書有此一種入藥故補之 治刀風 活人書云其

症腰生紅瘰如物纏緊作痛用鐵挑出血取此草加鹽擦出汗卽愈

古瓦 綱目土部有烏古瓦不言治癰毒 治小兒生毒 救生苦海已成形者用多年古瓦研末用

細茶葉煎極濃汁和傳留頭卽散 蟬拱癰 用瓦片火煨醋淬七次爲末菜油和搽 消渴 用

舊屋上瓦兩片洗淨搥碎以水煮濃汁食後溫服一小盞同壽錄

青龍背 龔廷賢回春云鍋蓋面上垢膩名青龍背可治瘰癧潰爛久不愈者用此入烏龍膏治之

烏龍膏 木髓帶殼炒存性去殼側柏葉焙人中血卽亂髮也燒灰青龍背紙錢灰飛羅麩各一錢

俱爲末好陳米醋調成膏塗瘡上外用紙貼

絹篩籬 今呼篩子有馬鬃織作底者有絲絹作底者入藥以絲絹者良 治過月難產 巢集有急

救過月難產仙方用陳篩籬底一個捲筒燒盃內與產婦服卽下如產生之兒身上皆有羅其驗如

神

陳年竹燈盞 治多年陰陽諸癰 救生苦海用陳竹燈盞油透者入尖底瓶內瓶口安一鐵絲髻將

地挖一土坑內安大盃一隻將瓶倒覆盃上瓶底朝天週圍用礪糠填滿燒之取滴下盃中之油搽

之效驗○文堂驗集治癰多年油竹燈挂一個火上烤出油汁如膠者良另將五倍子去蟲炒研爲

末二味和一處用陳醋火上溫熱和勻搽之甚效 臘梨頭瘡 張子卿秘方集驗以酒飯店油透

陳竹燈臺一個劈碎裝於瓷瓶內口上用舊書鐵絲覆於瓶上倒轉下再用一空瓷瓶以此瓶合於

下瓶口上用火煨之其汁溜下取汁搽瘡其效如神腦漏 百草鏡竹燈絡子十年者須覓鄉村中

有油垢者勿淨煨成炭伏土存性研細每用一二錢包豆腐皮清晨滾水吞下陸續服盡自愈 腸

癰肚癰神效方 便易良方云右腳拘急是腸癰左腳拘急是肚癰取數十年舊油印竹燈臺俗名

善福以一隻燒半過不用水息悶合成灰研爲細末陳三白酒沖服二錢或三錢卽愈王站柱不藥

良方云此藥又治肺癰極神效

銅燈盞青 卽盞內之油垢起銅綠者人藥良 治燕窩瘡 救生苦海本名髮際瘡生頭枕骨下髮

本草綱目合卷 卷九上 器用部 煎草紙至肉臺上屑 上海錦章書局印

盡處以銅燈盞內青垢刮下研爛擦之如神

料絲 物理小識滇金齒衛用瑪瑙石英屑汁以北方天花點之乃凝練爲絲以作燈近日丹陽松江皆能作料絲李西涯書作線絲大內青瑣卽此物 磨漿能止血破血

烏龍翅 汪連仕草藥方烏龍翅卽焦火把零落泥土中經霜雪者佳 治足爛至凶者燒炭油搽燒

斑痧炸神鬼箭神效

船蓬箸 治耳內腫爛脹痛 救生苦海用多年船蓬箸燒灰存性加冰片少許研細吹入

洋船璞 此乃海船底中間有櫟木舟人名曰龍骨藥生其間形如菌草乾之人藥 治胃脘疼痛按

潘之恆廣菌譜舵菜卽海船舵上所生菌也不可多得果爾則宜入蔬部留以俟考

櫓繩 治爛串○毛世洪經驗集凡乳癰串爛年久不愈洞見內腑深陷不愈者取搖船之櫓上首手

捏之處舊藤繩剪下以陰陽瓦上煨末竹管繫細篩日日搽之如乾處以香油調搽不過半月全愈

漆盤上漆 治羊眼漏 救生苦海此症生足脛骨上生一孔無膿無血惟流清水大痛用多年漆盤

刮下漆燒灰搽之愈

油木梳 木梳以木製成用以通髮黃楊木者能清火石楠木者理風其器以此二木造者爲最餘雜

木及駝骨牛角等梳不入藥或曰牙梳可辟邪卑角木梳不腫髮柏木鉛梳皆能烏髮總不若常用

黃楊石楠二木爲佳也綱目梳篋合一不分所載治法亦夥惟油梳尚遺其功用因補之 治肺癆

救生苦海油木梳須二三十年者一個燒存性滾水和服甜酒亦可 治五滯 同壽錄以多年

木梳燒存性空心冷水調下男用男梳女用女梳神效 拗頸 海上名方此病俗呼落枕乃頸項

夜間悞落枕下或偶被閃挫血滯而強作酸疼以舊油梳火上烘熱梳背於疼處極力刮之自愈

誤食螞蝗 俞潛山云曾誤食此腹中作瀉不時疼痛瀉血以黃土漿水他藥試之多不效有教以

取多年舊油梳燒灰酒調服一夕蝗皆化水而下眞神方也

衣帶 治蛇纏 救生苦海用繫腰帶煨存性研細和好醬塗或加水龍骨和柿漆水塗

刀鞘 治中惡腹痛 救生苦海將小頭燒過伏土取少許研細傅之立愈

舊竹筴 治蜈蚣傷 救生苦海將小頭燒過伏土取少許研細傅之立愈

草鞋鼻上布 綱目屨屨鼻繩下有草鞋鼻無取布法亦不知其有發瘡之功今補之 治兒患瘡疹不

發取破草鞋鼻上所衰之布七八條煎湯服立效如神周寶生醫通

機上草辦 楊春涯驗方治白蛇纏此物以陳爲好燒灰存性麻油調搽紅蛇纏亦治

肉臺上屑 綱目故木砧條列几上屑止言治噤瘡唇耳等瘡乾霍亂蟲牙等症急救方言其治手毒如

神因急補之

治手掌連虎口邊腫毒用豬肉臺上刮下木屑如膏作餅貼患處卽愈

吐血 慈航

活人書醃臘肉店中切肉木墩上刮取肉垢火上燒枯勿令成白色存性研末酒沖服 狗咬 楊春

涯驗方刮取切肉墩上油垢和沙糖拌傳神效

盛米栲栳 爛籬底 此乃人家盛米竹器浙人呼為淘籬以竹絲織成用以浙米者舊者多用以貯柴灰淋水洗

衣年久則爛 截經 同壽錄云婦人行經不止服此可截用頭紅花爛籬底爛入搭草鞋鼻子運

房此四味俱燒灰存性共為末每服一錢黃酒送下不過三服其紅立止

砂壺 出宜興紫泥者佳入藥吸毒用取其口光滑而薄不傷肌肉也 治傷寒不出汗用吸法以二

砂壺各盛燒酒八分重湯煮滾將酒傾去即將壺口對臍上合住使吸之緊輪換汗出即愈○瘰癧

破爛拔毒法將先破處麪糊作餅貼上用小砂壺二個燒酒煎滾去酒以熱壺口覆於麪餅上熏瘡

如拔火壺一樣壺冷又易一壺如此數次將毒氣拔盡即愈熏後用豬膽熬成膏貼瘡口此方神效

○治獸蟲咬傷并風寒一切毒用砂燒酒壺二個盛大半壺燒酒先以一壺火上令滾無聲傾去酒

即按在被口上拔出汚黑血水滿則自落再以次壺仍按瘡上輪流提拔以毒盡為度俱見經驗廣

集按王站柱不藥夏方治瘋狗咬傷用砂壺吸法與此同吸後再拔去頂上紅髮即愈

靈鶴盞 李金什會客淮南言山陽一帶洲渚皆蘆葦產鶴多卵育於中村人有能識其期者俟鶴下

卵後竊歸入鍋煮熟急以涼水沃之看卵殼不熱復置其窠鶴不知而尤照伏之過三七日其卵中

黃白復鮮如故又竊之歸急煮而又納窠鶴又伏之如是者三次則鶴卵外殼厚如紫玉而盃成矣

復竊之歸鋸去其頂外則鑲飾金玉令成盃形名靈鶴盞注酒其中輒有一小鶴影浮酒上云食之

益壽延年且能治心疾不易得有市者價亦不貲 安神魂定心悸小兒用之除驚癇孕婦用之養

胎稀痘出外帶之辟蛇蠱及一切毒

花簪 楊春涯驗方治乳癰初起時將女人頭帶花簪對向日中打圍口中默念天上一朵黑烏雲地而

女子害乳疼我今特授金簪上金簪化去永不疼如此七遍將簪交付婦人國患處即好

小兒破鞋 接骨 家寶方用市鎮上乞小兒破鞋一隻燒灰白麪等分好醋調成糊傳患處以絹束之

杉木板夾好須臾疼止骨接有聲為妙

夏布舊蚊帳 江西麻布染藍入夏作蚊帳名夏布今人以此舊帳作漆器坯最佳 治走游風 王化

九筒便方用青夏布舊蚊帳燒灰存性麻油調傳如再發再傳 陰奇癢難忍 不藥良方用青夏布

舊蚊帳燒灰存性麻油調搽即愈

廁上椽木屎板 此即毛坑上椽子多年為糞氣熏漬其解毒之功不下糞清也 治紅絲疔 敬信錄

紅絲疔先將鐵挑斷其絲將多年糞坑上碎木椽子煨灰研細用飴糖拌塗留頭疔即拔出 屎板

小兒破鞋 夏布葛絨帳 廟上漆木 白秋霜

治手足瘡無力不能收口家寶方用多年尿浸爛白色木板煨存性爲細末加冰片摻之立時收口

白秋霜 萬表積善堂方白秋霜卽多年糞缸底結成白霜須經風雨者入藥炭火煨紅醋淬九次用

網目人部溺白涎爲人中白乃溺涎也且所列主治及附方皆無接骨治傷之說特補其缺 治跌

撲損傷閃挫骨傷極重者研極細末每服五分好酒調下 萬表 陳海曙云凡多年廁坑底石板背

後有白胎如雪結其間鑿取微有穢氣陳久亦無然糞力透石故其精華凝聚於此能清火毒○王

聖俞云一名糞霜會見小兒瘡痘初愈者忽然肺燥咽乾唇裂目中出火滿面紅赤此火毒壅遏未

化滯於上焦每服此藥一二錢不數日全愈○敏按蔣儀藥鏡云泥宿糞坑之底疔腫發背止痛當

塗而霜又其精華也大抵清火解毒功用亦不甚相遠

本草綱目拾遺卷九中

禽部

燕窩素燕窩 一名燕蔬菜從新云出漳泉沿海處有之乃燕銜小魚春壘之窩中人取之聞小記云燕

取小魚黏之於石久而成窩有烏白紅三色烏色品最下紅者最難得能益小兒痘疹白色能愈痰疾

泉南雜志閩之遠海近番處有燕名金絲者首尾似燕而甚小毛如金絲臨卵育子時羣飛近沙泥

有石處啄蠶螺食之蠶螺背上肉有兩肋如楓蠶絲堅潔而白食之可補虛損已痢勞症此燕食之肉

化而筋不化并津液嘔出結爲小窩附石上久之與小雛鼓翼而飛海人依時拾之故曰燕窩也似此

則形狀功用時候族類俱有可信○嶺南雜記燕窩有數種日本以爲蔬菜供僧此乃海燕食海邊蟲

蟲背有筋不化復吐出而爲窩綴於海山石壁之上土人攀援取之春取者白夏取者黃秋冬不可取

取之則燕無所棲凍死次年無窩矣○香祖筆記燕窩紫色者尤佳○崖州志崖州海中石島有玳瑁

山其洞穴皆燕所巢燕大者如烏啖魚輒吐涎沫以備冬月退毛之食土人皮衣皮帽乘炬探之燕驚

撲人年老力弱或致墜崖而死故有多獲者有空手而返者是爲燕窠之菜○粵錄海濱石上有海粉

積結如苔燕啄食之吐出爲窩壘巖壁之間島人俟其秋去以修竿接鉗取之海粉性寒而爲燕所

吞吐則暖海粉味鹹而爲燕所吞吐則甘其形質盡化故可以消痰開胃云凡有烏白二色紅者難得

蓋燕屬火紅者尤其精液一名燕蔬以其補草木之不足故曰蔬榆肉產於北燕窩產於南皆蔬也○

宦遊筆記燕窩出南海日本諸國春間取者色白爲上秋間取者色黃次之一種微黑而多毛是揀擇

所遺者價亦不能廉怯症人久服之亦能潤肺止咳功等參苓○查浦輯聞南燕歸海外水邊難達因

啄小魚肉作窩口銜之而飛飛倦卽投窩水中棲止其上少息復銜之而飛故東南風則飄掠近岸人

就取之○阮葵生茶餘客話許青巖松信方伯語予云燕窩產海島中窮巖遂谷足力繩竿之所不及

估舶養小猿猴善解人意至山島間以小布囊繫猿背上縱之往升木深巖盡剝寒囊中而歸猿之去

也苦不得食三數日始返海客以果餌充囊中俾之遠出不饑拙者出卽剝塞囊中歸而傾囊不過數片爲果餌占地也其點者將果餌傾巖竇間剝塞滿囊盡燕窩矣空而復去尤爲便捷猿一值數百金價數倍於拙者云許謹齋黃門每晨起食燕漿燕窩一巨觥以融軟爲度謂他人皆生食也終日不溺 味甘淡平大養肺陰化痰止咳補而能清爲調理虛損勞瘵之聖藥一切病之由於肺虛不能清肅下行者用此皆可治之開胃氣已勞痢益小兒痘疹可入煎藥或單煮汁服○從新云今

人用以煮粥或用雞汁煮之雖甚可口然亂其清補之本性豈能已痰耶有與冰糖同煎則甘壅矣豈能助肺金清肅下行耶○物理小識燕窩能止小便數○逢原云甘平無毒烏銜海粉作窩得風日陽和之氣化鹹寒爲甘平能使金水相生腎氣上滋於肺而胃氣亦得以安食品中之最馴良者惜乎本草不收方書罕用今人以之調補虛勞咳吐血紅痰每兼冰糖煮食往往獲效然惟病勢初淺者爲宜若陰火方盛血逆上奔雖用無濟以其幽柔無剛毅之力耳○張石頑云暴得咳嗽吐血乍止以冰糖與燕窩菜同煮連服取其平補肺胃而無止截之患也惟胃中有痰涎者令人欲嘔以其甜膩戀膈故也○食物宜忌云壯陽益氣和中開胃添精補髓潤肺止久瀉消痰涎○嶺南雜記紅色者治血痢入梨加冰糖蒸食治膈痰 何惠川云翻胃久吐有服人乳多吃燕窩而愈者 老年痰喘 文堂集驗方用秋白梨一個去心入燕窩一錢先用滾水泡再入冰糖一錢蒸熟每日早晨服下勿閒斷神效 噤口痢 救生苦海白燕窩二錢人參四分水七分隔湯頓熟徐徐食之立效

素燕窩 月湖筆數近時素食中盛行一種素燕窩甯波洋行頗多形白而細長空心虛軟儼如食舖中餛子而細有七八寸至尺長不等望之晶瑩握之輕虛每三十餘枝作一束廚人買得湯沃之卽起脹蹇然凝白類官燕以入素饌爲珍品食之亦淡而少味不知何物造成或曰糯粉山穀爲之何以見沸湯反脆美或曰銅鉛之苗產海外深山食之可明目近日始知有用者不知然否附記 俟考 北硯食規有製素燕窩法先入溫水一盞伸腰卽浸入滾過冷水內俟作料配菜齊集另鍋製好箴籬撈出燕窩將滾湯在箴籬上淋兩三遍可用軟而不糊牛爛用 解食烟毒

石燕 粵語產西樵巖穴中大如乳燕足生翼末綱目石燕條引日華子本草無治疔之說今廣人用之頗驗故補之 治兒疳小兒羸瘦取食卽愈諺曰嬰兒瘦探石穀卽此

蝙蝠腦 李氏蝠腦丸中用之治癰疽內陷服之能令毒不攻心

石鰻 張氏日鈔乃大鵬之精也鵬獨運無雌海靜不波之日見影在下以爲雌也其精溢出墮土上爲

土鰻木上爲木鰻惟石上爲不失本性最佳或墮水中以婦女袒衣投水自能躍出 按石鰻乃慎恤

膠之類 浸酒服壯陽令人有子以薑酒解之

鵲鵲涎蛋 鵲鵲形如鷲而色黑面紅俗呼摸魚公水鄉人家多養之以捕魚十月後飼以狗肉則身暖

不畏寒雖破冰入水亦不瘳死 治腎咳俗呼頓嗆從小腹下逆上而咳連嗽數十聲少住又作甚或咳發必嘔牽掣兩脇涕淚皆出連月不愈者用鷓鴣涎滾水沖服下咽即止 蛋 能打胎有不欲留孕者取一個白水煮服胎即化為血水從小便出多則二服無有不驗

翠鳥舌 翠鳥即魚翠也其舌大而可用網目魚狗下止言其肉可治魚骨哽而附以翡翠亦云方書無用此者其功效大約相同今為補其舌之用 鐵頭風 集聽翠鳥舌一個以桐油浸曬乾又浸又曬硬如三棱鐵方病發時將鳥舌於頭上亂鍼即愈

白鷓鴣雞 珍異藥品文首白翼黃足 治監病

鬱雞 珍異藥品出廣中○孫硤川云此物在山中多食鬱金苗故肉鬆脆 解鬱散結氣

鶩雞 出廣中雞頭而鳥喙色黃腹毛純黑尾長下垂鳴聲鶩鶩性嗜蛇其哺子時取雛折其兩足乃以蛇飼之三日即復展折屢復 捕食之能治骨節折傷

雪雞 生西陲千百成羣棲止雪中西域聞見錄喀什噶爾雪雞羣飛極肥美人以為食惟性燥耳入藥雄者夏 煖丹田壯元陽除一切積冷陰寒痼癖之疾較雪蓮尤效

洋鴨 朱排山柑園小識洋鴨種出海洋形如鴨紅冠羣羽馴而善飛雄者重至十斤雌者如常其性淫雌雄相交日必四五次故房術用之卵大如鶩子味極美以母雞伏之約一月餘則雛出矣雛極易長大 助陽道健腰膝補命門煖水臟

烏鴉膽 此乃慈烏之膽浙東最多悉體肥黑而大所在多有予門人奉化徐朋圭居白巖其地山僻徑幽古木叢雜言其土人有取鴉膽者云烏鴉膽汁晝則散注身目故精聚而能見烟膏外物夜則汁歸於膽取之法須伺鴉夜睡時乘其罔覺以利刀斷其頭急剖腹取之膽汁全飽並無漏溢然後以線穿陰乾入藥用若取之不得法或鴉被驚覺縱殺得其膽亦空皮無汁不堪用 明目開瞽功勝空青點

青盲最驗解藤黃毒 爛弦風眼及翳障 不藥良方烏鴉膽點之即愈

鷺毛屎 延 蛋殼 腿骨 喉管 綱目鷺下載其毛治射工毒通氣辟癘開噎其尿治小兒鷺口蒼鷺者可傳蟲蛇咬而不知毛可治癰屎更治犬咬悉為補之 治癰毒 集驗方用鷺毛煖灰一兩明礬二兩研末麪糊為丸每服二錢好酒下 大麻風 赤水元珠參毛丸治大風神效苦參一斤鷺

毛八兩煖存性為末陳米糊為丸桐子大每服五十丸酒送下一日二次 神功至寶丹 王秋泉家傳秘方專治男婦溜膿肥瘡膿瘻瘻瘡梨頭遍身風癩癰疹疥癬瘰癧異常麻木不仁諸風手足酸

痛皮膚破爛陰囊癢極并婦人陰癢淫瘡酒丸散擦藥洗貼如神隨病上下茶湯送下日進二次戒暴怒房勞灸燂發毒之物苦參一斤為末鷺毛香油炒存性六兩黃米糊丸硃砂為衣此方與元珠

治大風風所用大同小異因並存之 按鷺白者能疎風瀝濕謂其氣味俱厚發風發瘡莫此為甚

治大風風所用大同小異因並存之 按鷺白者能疎風瀝濕謂其氣味俱厚發風發瘡莫此為甚

而駭韓愈醫通以爲疎風大悞殊不知驚能發瘡生淫火熏者并發火毒宿疾害誠有之而疎風之功亦不可盡誣至其毛與肉則性尤不同本經逢原云昔人治瘡風方中取純白鷄通身之毛及嘴足之皮與肺肝內皮固濟煨灰存性和風藥用之爲風藥之嚮導也然不可遺失一處遺一處卽不能愈又不可用雜色者若有一處色蒼風愈之後其處肌膚色黑正取其疎利而不燥能和風藥之熖烈而不用蒼色者以純白鷄無毒耳 絕胎方 保和堂秘方用血管鷄毛燒灰百草霜各一錢行經後酒調下終身無孕○又周氏家寶方用鷄毛一把煨細茶煎湯經後服永不生此二方雖存不可輒用 寶生論有受打不痛法用血管鷄毛七根地龍七條煨過同乳香白蠟爲丸好酒送下治瘰癧初起 傳信方白鷄大者二隻取週身毛翎并口腳黃皮新瓦焙焦爲末分作十服每日食後服之服完卽愈 治腫毒 救生苦海用血管鷄毛一握銅鍋炒焦腐皮包裹酒吞下卽內消初起者效○諸腫毒痛甚有膿卽潰無膿卽消用鷄毛燒灰一兩雄黃三錢川烏草烏各錢半黃蠟鎔化入前藥爲丸每服一錢好酒送下嚴氏方 諸毒內消方吳涵宇用鷄毛二個炒蜈蚣十條醋炒穿山甲一兩炒蠶蠶一兩炒全蠍五錢洗廣膠二兩炒桑黃二兩炒羊角屑二兩炒共爲末每服三錢砂糖調好酒下以醉爲度 發背疔瘡對口風毒 醫宗彙編穿山甲蛇蛻蟬蛻蜈蚣俱爲末鷄毛全副燒灰存性全蠍血管雞毛二翅燒灰人指甲用十分之一敗龜板一個蠶蠶俱爲末每用一錢酒下 慢吞銅錢及鈎線 慈惠方用鷄毛一錢燒灰慈石阜角子火煨象牙一錢燒存性爲末每服五分新汲水下 艾火帶 乃灸火所傷爛痛不可忍同壽錄用雄雞毛同鷄毛燒灰傳之效 喉螻癢 傳信方用鷄毛灰三分兒茶二錢牛黃三釐雄黃一錢人中白一錢半煨存性如吃深加珍珠煨存性一分爲末先將生桐油採刷一番後用藥吹入加膽礬更妙

鷄屎

綱目止載治咽喉穀賊今人治小兒驚口瘡甚效

鷄蛋殼

急救方癰疽無頭用新生鷄蛋殼燒灰存性爲末醋調傳立出膿血妙

鷄腿骨

奇效方犬傷日久發者用鷄腿胫骨煨存性研末摻之

鷄喉管

家寶方治喉症用鷄喉氣管一個陰陽瓦炙黃色冰片一分共爲細末吹二三愈 治赤白帶 家寶方取鷄水喉管煨存性研末酒調臨臥服之

鷄吐毛

鷄條 百草鏡鷄每日食雀時連毛與食肉化而毛不化聚成一團如芡實大次早吐出收用

入藥綱目有鷄毛

無吐毛故補之○按鷄稟西方兌金之氣其性猛烈而竄捷故余居士以其頭治

眩運王肅以其糞治食哽皆取其得庚辛銳氣一往無滯反胃之症食而復吐久積於胃不能運化故旋出大概由於憂鬱者居多取此復吐之意而又得其爽猛之性爲治其義精矣 治反胃煨存

性研 醫方集驗查將軍家傳噎膈方用牙烏瀉出毛肘卽鷹吐鳥毛也要七個不可落地用布接在架中微火烘燥爲末服之營內凡喂毛肘但在下午次日天明卽吐出最易得不可使肘落地落地則不驗 鷹條 本經逢原云鷹屎中化未盡之毛謂之鷹條入陰丹陽丹用不特取其翻之善脫以治難脫之病并取屎中未化之羽以消目中未脫之瞖可謂妙用

雄雞卵

茅崑來云雞本南方積陽之象於卦爲巽五更則日臨巽位故鳴凡鳥雌卵而雄否惟雞則

雄者間亦生卵乃陽極而陰乘之其卵較小於雌雞卵殼堅如石殼色微紅入藥用可安胎稀痘○王城秋燈叢話古北口叭噠嶺有喇嗎令巡檢張某市雄雞卵張笑曰雄雞焉能生卵故相難也曰非也俗有斯言卽有斯物第覓之可得也張漫應之語其役役曰聞前村民畜雄雞連生三卵眾以爲不祥姬異而藏之命役取送喇嗎收其一給價五十金張詢所用曰能醫眼疾年遠瞽者得其汁點之卽復明與空青同○陳藏器本草今雞有白臺如卵而硬有白無黃云是牡雞所生名父公臺二申野錄成化二十三年吳縣湯惟信家雄雞生卵平潮縣志萬歷四十八年四月施太史家公雞生子形如雀卵色紫史異纂天啟二年陝民王進榜家白雄雞生卵三圖識略壬申二月二十九日提標左營韋元鼎廨中雄雞連生二卵述異記康熙甲戌十二月松江吳南林家雄雞生卵大如鴿蛋殼甚堅厚椎破之亦有黃白白如凝脂不散黃帶赤色○質直談耳嘉定湖南村民錢嵩家雄雞生卵與雌無異乾隆壬寅夏間事○紀曉嵐先生云雄雞卵大如指頂形似閭中落花生不能正圓外有斑點向日映之其中深紅如琥珀以點目皆甚效德少司空成汪副憲承需皆嘗以是物合藥然不易得一枚可以值十金阿少司農迪斯曰是雖罕睹實亦人力所爲以肥壯雄雞閉籠內縱羣雌繞籠外使相近而不能相接久而精氣團結自能成卵此亦理所宜然然雞秉巽風之氣故食之發瘡毒其卵以盛陽不洩鬱積而成自必蘊熱不知何以反明目又本草之所未載醫經之所未言何以知其能明目此則莫明其故矣汪副憲曰有以蛇卵售欺者但映日不紅卽爲僞托亦不可不知也 敏按諸書所載雄雞生卵自古有之原非有異據陳藏器所說有白無黃而述異記所載則有黃有白想本間氣所生其形色亦無一定乾隆庚戌臨安慈聖寺有放生雄雞忽生卵日產其一如是旬餘人以爲異其卵較小色紫而殼堅爲一錫匠索去予時適館臨安聞而索之已無有矣錫匠微人亦云其卵白可入藥故乞之歸里然此物又不特入藥李懷白先生云曾見喇嗎誦黑經用雄雞蛋川中鬼師有用雄雞蛋以行禳者白蓮教則又需以解魘迷衛今人徒咤其異而不知天生此正所爲世用也 安胎稀痘開普

本草綱目拾遺卷九下

獸部

獅子油血糞

辛溫有毒色微黑者真善透經絡凡用勿多○沈良士云塗指甲上涼透指甲者真又方

以黍許入沸湯湯即不沸者真○逢原云獅爲百獸之長性最難馴一吼則百獸辟易爾雅言其食虎豹熊太古言其乳入牛羊馬乳中皆化成水西域人捕得取其油入貢以供宮人滌除衣垢之用又能去紙上墨跡刮少許隔紙熨之即脫子嘗試用垢雖去而衣易毀紙易脆僅供一時之用雖係方物方藥罕用近世醫者以之治噎膈病蓋噎膈皆鬱疾痰積所致用取滌痰之意試之輒驗由是方家爭爲奇物但性最猛利力能墮胎孕婦忌用象油亦能去垢滌痰但不能去墨跡耳○椿園聞見錄溫都斯坦西域一大回國從葉爾羌西南行百日到其國西隅有巨澤圍數千里澤中有山圍逾千里萬峰聳峙高入雲天或曰人間第一高山也名曰牽各里麻騰達喇斯山中產獅子於新月皎潔輒負雛於山中往來頭大而毛虬尾形帶黃質黑章如虎皮長六七尺時登山絕頂望月垂涎咆哮跳擲猛飛吞月有飛去八九里十餘里而墜死山谷中者其國人以象養獅子爲上戶每當秋月其汗使人取獅以精鐵作柱大如瓮密布層遮圍畜之於中飼以牛時而吼如雷霆滿城震動人畜不甯取之法擇炮手之最精者開地爲阱人匿其中遇有負雛者來乘其不備發炮斃之而取其雛倘一炮不中則拋山裂石而人無噍類矣○張葦漪有此油云熬之可挑絲一二尺不斷他油則不及也○陳海曙曾在京邸簡親王府見獅油堅如石絕如雞卵白潔可愛 朱排山柑園小識獅子油白膩如豬肪氣味俱薄利小便凡人小便不通雖腹脹莖痛病在危急者以酒或白湯送下三四釐或半分即通嘗有一丐因受暑熱遂致小便不通每月一發發至二三日後莖痛如割至不可忍屢投繯祈死人以獅油少許投之片刻即通奏效之速無逾於此而本草不著其功用何哉豈當時未知用歟第虛秘者似宜酌而用之○敏按獅油性最猛烈內服尤不可單用更勿多服嘉慶元年三月子友邵某得獅油少許因病欲服之未果爲一鄉人轉乞去市於人獲重價其人市得服半黍許夜半而死鄉人懼罪亦投水死蓋外用不妨內服尤宜審慎以人之腸胃太弱不任峻利之攻削耳 消熱結治膈大小便不通 救生苦海用獅油酒服二三釐自效

獅血

沈雲將食物會纂獅血殺百蟲燒之去鬼氣

獅糞

王沂堂藏有獅糞一段用鐵匣盛之四圍以鐵屑養之其形至堅如鐵石磨之作紅色云非鐵屑

養則易朽爛也 治一切腿足下部惡瘡年久不愈者塗之即痂而落

象糞

象白尾毛 按象有家野二種京師者食俸料滇廣山產者食竹木雜草入藥以野象糞良京象

糞銷皮坊皆多取濺黃貂黃狼能令毛黑如漆綱目象下凡牙肉睛皮膽骨俱入藥不及其糞爲補之 治驚掌風以象糞燒熏自愈 起死回生散 李文炳經驗廣集治痘瘡至七八日忽然變黑

收入腹內遍身抓破吭喘死在須臾服此從新另發出立可回生當歸川芎白芍生地升麻紅花上

本草綱目合遺

卷九下

獸部 獅子油至虎腔骨

上海錦章書局石印

陷加白芷下陷加牛膝遍身黑陷加麻黃象糞微炒如一歲兒用二錢大兒用至三五錢右剉一劑水酒各半煎服從新發出腳下黑疔至七八日用鍼挑去以太乙膏貼之卽拔去毒連進二三服瘟疹 良朋彙集方治小兒大人出瘟疹回在心胸作喘發燒用象糞八錢升麻二錢水二鍾煎一鍾服卽刻透出

象白 乃象交於水其精浮水面象房人用磁瓶收貯入藥傳面不皺亦可入房藥用

象尾毛 通雅云今人剔牙杖極重象尾謂可去火

犴血 孫含謠云有客自川中來帶有犴血言此獸乃星禽爲天上井宿五百年一降於世以濟人其降也必於蜀降之前三日天乃大風振屋拔木爲降犴風左右村落居民知犴必降悉遷避之求鐵工造連弩箭鏃如橄欖形而窪其中鏃上刻名以記犴降之日形如胡犬有鱗大十倍於象首必朝歲星蹲踞不動土人從其後射之矢集其身如猬三日後乃去遺矢於地各認所鑄以歸矢人無爭者其鏃頭有血一塊大如欖核可入藥土人亦甚珍寶之不輕售自明洪武時曾一降至今幾四百年所珍藥亦罕有存者縉紳舊族或有之亦寶同和璧矣 治一切陰疽發背一切大毒凡癰疽必死之症無藥可救者每以一釐潰則傳膏外貼未潰則調酒服一夕自愈合治癰等藥一斤加入分許卽奏效如神

醉虎油 膽 脂 三岡識略壬子正月初十日福山戍卒遇一醉虎縛獻王大將軍轅門將軍剖肉

分贈郡紳之小兒食之可以稀痘按虎食人與楊柳及狗皆醉 宦遊筆記載山人捕虎法云虎嗜食犬食之必醉如人中酒虎匿深谷峻嶺往來不時難尋其跡人以劣犬縛於山凹犬嗥不已虎聞聲而前果腹而醉不能遠去人迹犬血而捕之則無所遁矣此縛醉虎之法也 主稀痘

虎油 物理小識虎一身皆入藥而本草未載虎油之功效愚於獵戶取其油以塗臘梨瘡一二次卽愈亦可治大麻瘋○藥性考虎油療禿塗狗咬傷五痔下血反胃酒嘗

虎膽 治打傷垂死飲食不進前後不通乃瘀血在心命在旦夕可用此方虎膽五分去外皮用老黃酒在盃內研細爲末白茯苓二錢爲末用熱陳酒調灌下出可不死矣

虎脂 治打碎頭骨蓋方用虎脂一兩浸好熱酒內俟化勻服之汗出爲度如患處青者不治 反胃

不藥良方虎脂八兩清油一斤瓦瓶浸一月密封勿令洩氣每以油一兩入無灰酒一盞溫服以瘥爲度油盡再添 按虎膽虎脂脂綱目雖載其用而未言及入折傷料之用此二方出錫山華氏經驗錄並屢試有效故補其說以濟急

鹿胎乳餅 瀕湖綱目鹿條精髓筋膽胎糞俱各備載張璠逢原另列鹿胎一條頗詳辨可採錄出以補其遺略曰胎中鹿其嘴尾蹄胎與生鹿無異者爲眞其色淡形瘦者爲鹿胎若色深形肥者爲麋